

楞伽玄義疏

C40
4514
(30)



80

1

2

3

4

5

6

7

8

9

90

1

2

3

4

5

6

7

8

9

100

1

2

3

4

5

6


7

8

楞伽阿跋多羅寶經義疏一
上

C40-4614

丁巳年夏諸大師乞
家書置之武州崇雲山
我微笑塔院直府中央
為學者不敢許出院內
當山二世鐵牛機謹誌



B 64853

楞伽阿跋多羅寶經玄義

支那萬益沙門釋智旭撰述



自覺聖智第一義心。非名相之所詮。奚思議之能入。依染淨而分五法法本真。由迷悟而辨三性。性性無性。因迷中體用差別。立八種識。識若空華。約悟時顯理偏圓。稱二無我。我同兔角。是以一切佛語。唯傳此心。一切佛心。咸印斯語。語卽非語。無勞掃空裏之華。心亦非心。何事覓波外之水。正法眼藏。統權實以同歸。百八句門。徹真俗而不二。寢

真俗之致。乃知真俗本融。昧權實之殊。豈達權實一體。悲夫。先哲既逝。後學膚承。畏墮名相。寡白翻爲名相所縛。莫究端倪。喜談直捷法門。遂爲直捷所拘。終成淺陋。旭慚薄智。未踐真修。幸遇上乘。聊窺一線。將申經義。例開五重。第一釋名。第二顯體。第三明宗。第四辨用。第五教相。

第一釋名者。經題八字。七別一通。就別題中。初言楞伽者。此翻不可往。乃大海南岸摩羅耶山頂之城名也。次言阿跋多羅者。此翻無上。次言寶者。乃

此方至貴至重之稱。謂此摩羅耶山種種寶性所成諸寶間錯光明赫然。如百千日照曜金山。

文出
魏譯

故言無上寶也。此則直以說法之處而爲經題。故

魏譯名入楞伽經。唐名大乘入楞伽經。夫大海水

波浪之南。有摩羅耶山頂楞伽大城。俯臨絕壑四

方無路。非神通者不能遊居。以譬衆生藏識心海

轉識波浪之中。有第一義諦自覺聖智境界。迴絕

思議。四句咸離。非忘念者不能證覺也。釋此譬意

略分爲二。初分釋。再合釋。初分釋中。復二。初釋楞

佛。次釋阿跋多羅寶。初中又二。初約教別釋。二結成經意。初明偏真不可往。二明偏真不可往。三明離二邊中不可往。四明卽二邊中不可往。初明偏真不可往者。夫衆生六識依於根海。攬於塵風。起惑造業。流浪無已。誰知南明彼岸有妙寶山。山中有城。寂靜安隱。縱令藉佛言教。知有涅槃。譬如遙望楞伽。如何可往。必須四念處慧息。境界風。四正勤力。澄轉識浪。四如意足。發起神通。五根躡足於虛空。五力直上而不返。然後開

七覺無門之門。遵八正無路之路。徑登三脫安隱入城。此則一切外道凡夫仙魔釋梵所不能到。故云不可往也。

二明卽真不可往者。夫寶山有城雖云在海彼岸。實在海中。涅槃山城當知亦爾。卽在生死大海之中。生死大海旣如幻夢。涅槃山城亦如幻夢。而一切外道凡夫乃至愚法二乘。咸執三界以爲實有。不知三界諸法無性。亦不知無性之性。正在一切差別幻夢性中。自非了達身受心法等。如虛空成就無生三十七品。知一切法本空。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

無相無作。何由安隱入涅槃城。故約凡外愚小而
云不可往也。三明離二邊中不可往者。夫摩羅
耶山楞伽大城。自海龍王宮出。南望觀之。則云在
彼南岸。然更過此山之南復有大海。從彼返觀。則
又云在此北岸矣。是知對生死明涅槃。則涅槃爲
彼岸。生死爲此岸。對中道明二邊。則中道如山頂。
而二乘所謂涅槃。彼岸還是變易生死大海耳。二
乘自謂出生死有邊入涅槃無邊。作已渡想。作究
竟想。而不知此高山大城。種種諸寶間錯莊嚴。無

量華園香樹堂室。古昔諸佛賢聖思如實法得道

之處。

文出魏譯斯乃迴超二種生死大海。若以空作證

者。於此妙境。永非其分。故約兩教二乘而云不可
往也。况凡外乎。夫衆生無始以來。法爾有八種識。
第八名爲阿賴耶識。卽是全體如來藏心。具足一
切染淨種子。由無始來。從未悟故。不覺念起。而有
無明。由無明故。現妄境界。由境界風鼓動心海。遂
使轉識波浪騰湧。不絕然。此藏識之中。法爾具足
無漏性功德種。雖復熾然流轉生死。而此無漏心。

性。仍復常住。不生不滅。譬如大海波浪之中。寶山大城。朗然安住。性無動搖。苟生死涅槃此彼兩岸。情見稍未盡忘。決定不能階此常住山頂。故須先以入空道品離生死有岸。次以入假道品離涅槃空岸。非空非有。四句咸離。正觀中道。不踐凡小權乘轍迹。如神通力得詣山城也。四明卽二邊中不可往者。夫山城旣在大海之中。則中道豈在二邊之外。苟不得神通。則不惟山城決不可往。卽大海亦決不可往也。苟得神通。則山城尚可直往。大

海亦何不可往哉。羅婆那夜叉王。以神通力住此山城。遊戲往來。海此彼岸。無有障礙。諸佛菩薩亦復如是。神名天心。通名慧性。天然妙慧。卽是自覺聖智。覺了一切諸法。皆是自心所現境界。心外無法。是故恒居中道涅槃山城。遊戲往來。生死涅槃此彼兩岸。自在無礙。彼棄二邊取中道者。譬如枯守山城。不能飛渡大海。荷名神通。旣無神通。卽非夜叉王之眷屬。是故別十廻向。不知中道佛性。卽一切法圓教。奪之僅名理卽。唯有圓頓行人。了知

如來藏心不變隨緣。舉體而爲賴耶識海。亦卽舉體而爲外境界風。亦卽舉體而爲轉識波浪。亦卽舉體而爲法性寶山大涅槃城。又復隨緣不變舉凡入識六塵生死涅槃二邊中道乃至五法三自性等。一一無非自心現量自覺聖智境界。所以咸超四句並絕百非。執之則觸塗成滯。了之則無法不通。此則六道三乘九法界思量分別所不能入。故云不可往也。初約敎別釋竟。二結成經意者。經初歎菩薩德謂於五法三自性八識二無我究。

竟通達。蓋是卽二邊中而經中處處或兼用通別二種方便。對破二乘法執及破凡外我執。則偏真乃所彈訶。卽真但中猶未全棄。的是大乘方等法也。仍須更約五法三性諸識無我以明不可往義。非初約五法明不可往者。一名二相三覺想亦名妄想。亦名分別。四正智五如如亦名真如。一名者謂世出世間種種名字。或一物一名。或一物多名。或多物一名。皆是世間隨情施設。大般若經目爲增語。謂物本無名。雖加以名。名不卽物。如喚火不

煖喚水不濕故知但是勉強假立非有實也。二相者謂世出世間色心依正假實諸法相狀各別萬象森羅雖非實有而仗因托緣如幻顯現譬諸翳目所見空華亦猶夢中所見依正故知但是俗諦非真諦也三覺想者著相計名分別一異有無常與無常俱不俱等由是展轉熏成名相種子也四正智者了達名相皆唯心現不起妄想也五如如者妄想不起則名相本真如目去翳則華本性空如睡既醒則諸夢自除也夫於三界名相而起妄

想則有分段生死之海以析空正智斷妄想已永滅三界名相證得我空所顯真如乃偏真不可往而往也夫於生死涅槃名相而起妄想則爲沉空滯寂之海以卽空正智斷妄想已三界名相當體不生漸達法空所顯真如乃卽真不可往而往也夫於大乘小乘名相而起妄想則有萬行難滿之海以但中正智斷妄想已空有名相永得滅盡分證二空所顯真如乃離二邊中不可往而往也夫於十界中邊名相而起妄想則有真常流注之海

以圓中正智斷妄想已。一切名相當體卽中。圓證二空所顯真如。乃卽二邊中不可往而往也。妄想祇是煩惱。正智祇是菩提。轉菩提爲煩惱。如水成冰。轉煩惱爲菩提。如冰成水。是故菩提不可往。則煩惱亦不可往。煩惱可往。則菩提亦決可往。衆生往煩惱。卽是往菩提。而云不可往者。以迷強故。雖終日行而不自覺也。諸佛菩薩往菩提。卽是往煩惱。而云不可往者。以了悟故。煩惱永寂而無可往。菩提圓滿而亦無可往也。名相祇是二種生死。如

如祇是大般涅槃。轉涅槃爲生死。如空起華。轉生死爲涅槃。如華滅空。是故涅槃不可往。則生死亦不可往。生死可往。則涅槃亦決可往。衆生往生死。卽是往涅槃。而云不可往者。以眚翳故。空雖無華。妄見起滅也。諸佛菩薩往涅槃。卽是往生死。而云不可往者。以離障故。生死本空。而無可往。涅槃本淨。而亦無可往也。是故海既爲生死海。則山亦可爲煩惱山也。山既爲涅槃山。則海亦可爲菩提海也。初約五法明不可往竟。次約三性明不可往。

者。一妄想自性亦名徧計所執性。二緣起自性亦名依他起性。三成自性亦名圓成實性。一妄想自性者。以我法二執相應之六七兩識爲能徧計。以一切緣起名相爲所徧計。於中妄計實我實法。譬如依繩而計爲蛇。蛇不可得。外道餘乘所計我法亦復如是。實不可得。但是妄想也。二緣起自性者。由染淨緣慣熏習力。於心性中變似種種色心假實諸法。所謂八識心王。五十一種心數。十一色法。二十四種不相應行。乃至百界千如。假名有千實。

法亦千。國土亦千。種種相種種諸名。非有似有。森羅顯現無非因緣所生起也。三成自性者。卽此緣起諸法。有卽非有。唯一真性。圓滿成就究竟真實。如冰水之性。唯一濕性也。斷三界妄想滅三界緣起。證我空所顯成自性者。偏真不可往而往也。達三界妄想無性。則三界緣起自寂。證我空所顯成自性。堪入法空所顯成自性者。卽真不可往而往也。斷三邊妄想滅界內界外緣起。次第證三空所顯成自性者。離三邊中不可往而往也。達十法

界妄想無性。則三土緣起本寂圓證二空所顯成
自性者。卽二邊中不可往而往也。復次妄想本空。
故不可往。緣起如幻故不可往。圓成常徧故不可
往。復次祇此緣起名爲大海亦名山城。衆生於中。
妄計我法。而我法決不可得。故不可往。諸佛於此
了達妙性。而妙性真常圓滿故不可往也。次約三
性明不可往竟。三約諸識明不可往者。藏教建
立六識。三毒爲生死本。於十二處十八界中。雖有
意處及意根界。而不明言第七八識。通教但言陰

處界三皆如幻化。亦不明言七八兩識。別教正指
意根。名爲第七。而以第八爲總報主。瑜伽論中。以
六七八識通名意地。備顯王所差別法門。蓋是別
接通義。圓教亦明八識。而八識皆如來藏。此經云。
不壞相有八。無相亦無相。唯識云。心意識八種俗
故相有別。真故相無別。相所相無故。皆遣相證性。
全妄卽真之旨也。有云。經論或立第九菴摩羅識。
然按白淨識號祇約果位識性圓明言之體卽八
識。非別有第九也。就此八識辨楞伽者。此經以海

喻第八藏識風喻六塵境界。波浪喻前七轉識。則以摩羅耶山。喻自覺聖智境界也。山在大海南岸。故不可往。以喻自覺聖智境界。超諸心意意識。故不可往。粗說如此。細尋不然。夫以六識爲海。滅六識乃入涅槃者。偏真不可往而往也。六識爲海。了知六識本空爲涅槃者。卽真不可往而往也。八識爲海。轉八識成四智方乃契會真如法性山者。離二邊中不可往而往也。八識爲海。八識之性唯一真如。真如不在諸識之外。譬如摩羅耶山不在大

海之外。未具神通則山不可往。海亦不可往也。已具神通則山既可往。海亦可往也。是謂卽二邊中不可往而往也。夫第八王所本是大圓鏡智菩提元清淨體。第七王所本是平等性智菩提元清淨體。第六王所本是妙觀察智菩提元清淨體。前五王所本是成所作智菩提元清淨體。故六祖云。但轉其名無實性也。倘謂四智菩提種子。有人具足。有人不具。將謂大海南岸。或有摩羅耶山。或無摩羅耶山。可乎。此經云。聲聞人無漏界。覺復入出世。

上上無漏界。滿足衆具。當得如來不思議自在法身。則與法華圓音無殊。而有時建立五種種性者。乃是爲初治地者建立耳。是故凡外三乘於四智不可往。則於八識亦不可往也。以不知八識之體一性無性。不知八識之涯際無際故。諸佛菩薩於四智可往。則於八識亦可往也。以窮盡八識之幻狀無邊深達入識之實相無底故。三約諸識明不可往竟。四約二無我明不可往者。一人無我。或名人空。或名我空。二法無我。或名法空。人者五陰和合之假名也。決者五陰色心之寶物也。我者自在義。主宰義。外道或計神我。或計士夫。儒童作者受者知者見者。自在常住能爲主宰。並屬我執。故佛以人無我破之外道。或計冥諦勝性極微四大時方。梵天自在常住能爲主宰。乃至二乘或計陰入處界各有實體。或計四微四大。非卽自心所現相分。或計善惡無記生死涅槃各有實性。並屬法執。故佛以法無我破之。當知我法二執。喻如大海。二種無我喻如摩羅耶山。故云不可往也。夫外道凡

夫非我計我。或云卽色是我。或云離色是我。或云色大我小。我在色中。或云我大色小。色在我中。歷受想行識。例作四見。則有二十我見。邪惡風浪浩然無涯。聲聞稟佛止啼言教。觀身不淨觀受是苦。觀心無常觀法無我。頓破二十我見。證人無我。乃偏真不可往而往也。夫愚法聲聞。妄執陰入處界。是世間實有苦諦。見思煩惱。是世間實有集諦。必因果俱滅。方入無餘涅槃。不知三界依正猶如空華幻夢。見思煩惱不在內外中間。祇見塵沙俗諦。

廣若巨海。中下者棄而不觀。或三生六十劫。或四生百劫。一槎直泛莫達彼岸。上根者誓願偏知。必僧祇練行。更百劫集福。廣設船筏。辛勤獲度。若利根三乘。知一切法四性無生。不復更滅。頓證界內二種無我。如神通者須臾彼岸。是謂卽真不可往而往也。夫人我局於界內。其海易渡。法我通於界外。其海無窮。一切三乘迷沒其中。莫之能出。自非窮法海源底。何由稱正偏知覺。是以先觀人無我。度分段海。次觀法無我。度無知海。次觀俱空不生。

度變易海方證二無我所顯真如。是謂離二邊中不可往而往也。夫十法界假名總名爲人。十法界五陰國土總名爲法。一空一切空則人法俱不得。一假一切假則人法重重無盡。一中一切中則人法皆是真如。非我非無我雙照我與無我故云五法三自性皆空八識二無我俱遣。又云於五法自性識二無我究竟通達。夫皆空俱遣。一空一切空也。究竟通達。一假一切假也。唯空遣故能通達唯通達故能空遣。一中一切中也。又三諦皆空皆

遣也。三諦皆究竟通達也。三諦皆無可空遣無可通達而空遣而通達也。如神通者不住大海不住山城能往大海能往山城不見有大海山城而統有大海山城也。是謂卽二邊中不可往而往也。初釋楞伽竟指掌中無餘事及端坐地惠眾人次釋阿跋多羅寶者。夫摩羅耶山種種寶性所成故名無上。以譬大涅槃山亦是種種無上法寶之所成也。法寶無量略攝爲十。一諦理無上。二慈悲無上。三定慧無上。四智斷無上。五徧知無上。六道

品無上。七方便無上。八位無上。九利益無上。十圓滿無上。一諦理無上者。五法三自性八識二無我。皆是自心現量。心外無法。凡外不達。著相計名妄想纏縛。障於正智。永隔如如。於依他起味圓成實而起偏計。前七識爲能熏。第八識爲所熏。第八識爲能藏。七識種爲所藏。更互爲因。展轉不絕。妄計我法。輪轉無窮。惑業苦三。如惡叉聚。此經直以自覺聖智照之。了知無始虛僞。不離自心。生死涅槃。本來平等。皆是第一義心境界。不同析體偏空。

亦復不同離二邊中。故云諦理無上也。
二慈悲

無上者觀於第一義心境界。生佛本同。凡夫迷之枉受生死。二乘昧之妄取涅槃。遂發四弘拔苦與樂。神通自在。方便具足。經云。如隨衆色。摩尼隨入衆生微細之心。而以化身隨心量度。此是無緣大慈。同體大悲。不同三乘生緣法緣慈悲。故云慈悲無上也。三定慧無上者。第一義心照而常寂名之。則定寂而常照。名之爲慧。經云。欲得如來身者。當遠離陰界。入心因緣。所作生住滅妄想虛僞。唯

心直進。觀察無始虛僞過妄想。習氣因三有思惟。無所有佛地無生。到自覺聖趣。自心自在無開發行。夫遠離陰界等者。照而常寂之妙定也。觀察思惟等者。寂而常照之妙慧也。唯心直進者。定慧不離。第一義心全以性德而爲修德。卽以修德而顯性德。中間永無諸委曲相。故名爲直頓階佛地無所有法。故名爲進。此是稱性緣了莊嚴。不同三乘別修緣了。故名定慧無上也。四智斷無上者。破惑顯理。名之爲智。理顯惑亡。名之爲斷。經云。前聖。

所知轉相傳授妄想無性菩薩摩訶薩獨一靜處。自覺觀察。不由於他。離見妄想。上上昇進入如來地。夫自覺觀察妄想無性則何惑不破。離見妄想入如來地。則何理不顯。豈同二乘以生空智僅斷見思。亦豈同權位菩薩以次第三智漸斷三惑者耶。故云智斷無上也。五徧知無上者。夫一切諸法本惟心量。執之則全真成妄。悟之則全妄卽真。是故凡外愚小。不唯名相妄想徧計緣起八識是妄。縱令緣念思惟正智。如如圓成及二無我。亦是

妄也。經云。如如與空際涅槃及法界種種意生身。我說爲心量。此之謂也。諸佛菩薩不唯正智如如圓成及二無我是真。觀於名相妄想偏計緣起八識亦卽真也。經云。妄想有十二緣起有六種。自覺知爾。彼無有差別。五法爲真實自性有三種。修行分別此不越於如如。此之謂也。二乘捨生死而取涅槃。不知涅槃無性。權乘捨二邊而取中道。不知中道無性。唯有得自覺聖智者於五法自性識二無我究竟通達。故云偏知無上也。六道品無

上者。唯心直進卽是圓心念處。一念處一切念處。是名四念處。慧觀察無始虛偽。則二世惡斷。思惟佛地無生。則二世善生。是名爲四正勤。宴坐山林下。中上修必具欲勤心觀。是爲四如意足。能見自心妄想流注。則成五根。得自在力。是爲五力。超度自心所現境界。虛妄之想。卽七覺支。超度生死。有海業愛無知。卽八正道。得如來身。卽是入圓三解脫門。證於自覺聖智第一義心也。如此圓妙道品。尚非歷別次第道品可比。況是二乘道品所能及。

乎。故云道品無上也。七方便無上者。夫第一義自覺聖境離名絕相。非妄想之所階。是故經令親近最勝知識分別。決斷種種句義。乃至最勝無邊善根成熟。離自心現妄想虛偽。宴坐山林。下中上修。又云。當離羣聚習俗睡眠。初中後夜常自覺悟修行方便。當離惡見經論言說。及諸聲聞緣覺乘相。當通達自心現妄想之相。又於二種聲聞乘通分別。相教令應知應捨。又云。成就四法得修行者。大方便。一者善分別自心現。二者觀外性非性。三

者離生住滅。見四者得自覺聖智善樂。又爲辨四種禪。令知捨邪趣正。由淺階深。又爲說二種覺。又令當善四大造色。又爲說諸陰自性相。又爲辨外道四種涅槃。又爲說妄想自性分別通相等。皆爲自覺聖智一乘而作弄引。尚非次第二觀爲方便。道況是性地四善根等諸方便耶。故云方便無上也。八位無上者。文中雖或兼明三乘共位。又或獨明菩薩十地。然正意唯令不由於他。通達佛法。故曰。於彼演說乘。皆是如來地。十地則爲初。乃至

云無所有何次等並如空中鳥迹有卽非有不同
 歷別權修楷定三阿僧祇淺深次第又明聲聞緣
 覺得此法者亦名爲佛。又謂聲聞譬如昏醉人酒
 消然後覺彼覺法亦然得佛無上身是則始說三
 乘終歸一乘故云位無上也非九利益無上者謂
 諸菩薩若能唯心直進觀察外境非有妄想無性
 入於三昧正受則得如來二種神力建立。一者爲
 現一切身而言說神力。二者手灌頂神力以此神
 力建立令離魔業煩惱及令不墮聲聞地禪。一切

菩薩由此神力得如來台覺地已游諸佛刹供養
 諸佛示現佛身以自心現量度脫衆生悉令遠離
 有無等見故云利益無上也。十圓滿無上者夫
 一切諸法唯是自心現量本無可取亦無可捨。凡
 夫溺於有漏二乘醉於偏真皆是自迷心量割裂
 太虛若能觀察外性非性顯發自覺聖智第一義
 心則法界爲身具足無量神力成辦衆生不思議
 取捨情盡理智一如盡未來時不增不減故云圓

機佛學義

滿無上也。初分釋竟

二合釋者復二。初直就此題釋次約二譯皆加入字釋。初直就此題釋者若以偏真爲不可往則正因緣境爲諦理無上。生滅四弘爲慈悲無上。析空止觀爲定慧無上。破除分別俱生二種煩惱爲智斷無上了達三界依正。一一無我我所爲徧知無上。觀身不淨等爲道品無上。五停心觀等爲方便無上。四向四果爲位無上。降伏界內四魔爲利益無上。證得有餘無餘二種涅槃爲圓滿無上。此

則一切仙魔釋梵所不能往所不能有故名無上寶也。然非今經意也。若以卽真爲不可往則因緣卽空爲諦理無上。無生四弘爲慈悲無上。體真止觀爲定慧無上。愛見如虛空不可得爲智斷無上。三界依正同於空華種種分別而無染著爲徧知無上。觀身淨不淨不可得等爲道品無上。三輪體空六度行等爲方便無上。超二乘地入菩薩地。佛地爲位無上界內四魔性空寂滅爲利益無上。生死涅槃同於夢幻爲圓滿無上。此則一切愚法

二乘所不能往所不能有故名無上寶也。由此能通但中圓中故今經亦兼用之。然非今經之正意也。若以離二邊中爲不可往。則歷別三諦爲理。無上無量四弘爲慈悲無上。次第三止三觀爲定慧無上。破除三惑爲智斷無上。通達恒沙佛法爲徧知無上。觀身非淨非不淨雙分別淨不淨等爲道品無上。十波羅密展轉生起展轉持淨爲方便無上。三賢十聖等妙二覺爲位無上。徧降界內界外八魔爲利益無上。證得三種涅槃爲圓滿無上。

此則一切聲聞緣覺所不能往所不能有故名無上寶也。由諸鈍根菩薩未能唯心直進故於無次第中爲說次第。今經雖兼用之然亦非正意也。若以卽二邊中爲不可往。則圓融三諦爲諦理無上。無作四弘爲慈悲無上。圓頓止觀爲定慧無上。妄想無性三惑不生爲智斷無上。於五法自性識二無我究竟通達爲徧知無上。觀身實相等爲道品無上。宴坐山林下中上修唯心直進爲方便無上。於彼演說乘皆是如來地爲位無上。魔界如卽

佛界如轉魔界成佛界爲利益無上。覺人法無我了知二障離二種死爲圓滿無上。此則權位菩薩所不能往所不能有。而能接彼權位三乘轉彼愚法聲聞。誘彼外道闡提。一切皆令得入其中故名無上寶也。正是今經意也。初直就此題釋竟。次約二譯加入字釋者。如來從龍王宮出觀見摩羅耶山楞伽大城。卽便微笑而作是言。昔諸如來應正等覺皆於此城說自所得聖智證法。非諸外道臆度邪見及以二乘修行境界。我今亦當爲羅

婆那王開示此法。爾時羅婆那夜叉王聞已。與諸眷屬請佛入城。佛受其請乃入彼城而說此經。故唐譯名大乘入楞伽經。魏譯云入楞伽經也。今約此義釋者。楞伽卽境無上也。入卽智無上及行無上也。名字入乃至究竟入。卽位無上也。始終不離大海摩羅耶山。能入是般若所入是法身能所和合是解脫。卽三法無上也。如來觀機。彼王誠請卽感應無上也。彼王乘華宮殿。往世尊所。妓樂歌讚。兼復勸請大慧菩薩問法。佛入其城。現神通力令

王開悟。卽神通無上也。一百八義三十九門。卽說法無上也。大比丘僧及大菩薩從彼種種異佛刹來。卽眷屬無上也。自心現境界善解其義種種衆生種種心色無量度門隨類普現。卽功德利益無上也。上來釋別題竟。竚人唱言無上。卽參不識次釋通題者。梵語修多羅。或云有翻。或云無翻。智者大師和融有無故於翻五含五各申教行理三具如法華玄義茲不復出。又此方聖說爲經賢說爲傳。修多羅既是聖說。故直以此代彼。稱之爲經。

經者。法也。常也。法者軌持也。常者不變也。如來所說一百八義三十九門。破除外道聲聞惡見妄想戲論分別。令知自心現量教可軌也。唯心直進觀察無始虛偽過患思惟佛地無相無生行可軌也。常不思議第一義境理可軌也。從得正覺至入涅槃於其中間不說一字。不說是佛說教不變也。若彼如來所得我亦得之無增無減行不變也。古先聖道法界常住。如金銀等性。如趣彼城道理不變也。此教無上諸餘梵魔天仙乃至二乘所不能宣

卽是教不可往。此行無上。凡外二乘所不能修。卽是行不可往。此理無上。凡外二乘所不能覺。卽是理不可往。通別八字並屬能詮。名下所詮。一一能令大機衆生歡喜。生善滅惡。入理。卽教行理。以題例經始。從如是我聞終至斯由。不食肉。一切文字。皆能詮也。一切所詮。皆教行理也。以此一經而例一代時教。亦復如是。可以意知。不復委說。第一略釋名竟。

第二顯體者。能詮之文。皆屬於名。所詮之義。有體。

宗用體約理性。宗約自行。用約化他。然而名無得物之功。物無當名之實。纔涉言詮。便屬增語。雖世間諸物尚不卽名。况理性玄微。如何可顯。是故經云。當依於義。莫著言說也。又云。若不說一切法者。教法則壞。教法壞者。則無諸佛菩薩緣覺聲聞。若無者。誰爲誰說。是故菩薩莫著言說。隨宜方便廣說經法。又云。若語異義者。則不因語辨義。而以語入義。如燈照色。涅槃亦云。生生等。皆不可說。有因緣故。亦可得說。今依此義。故釋名後。仍須顯體。如

以指指月。欲人因言以見體也。略爲七意。一正顯體。二簡僞濫。三一法異名。四入體之門。五徧爲衆經體。六徧爲諸行體。七徧爲一切法體。一正顯體者。此經以自心現量第一義境界爲體。言自心者。心體絕待。非自非他。一切諸佛。一切衆生。唯是一心。更非有二。以當體不二故。強名爲自心也。言現量者。現謂顯現。量謂分量。言一切五法三自性八識。二無我。乃至十界百界千如等種種諸法。總是唯心所現。不出心之分量。故名爲現量也。言第

一義者。旣一切法皆唯心現。不出心之分量。則全妄卽真。當體不可思議。離一切相。卽一切法。唯卽與離。二無所目。故名第一義也。言境界者。自覺聖智之所證得。非諸戲論所行之處。離四句相。離緣相。而實徧爲一切法體。不同虛空免角。但有名宇。故名爲境界也。此自心現量第一義境界。乃一經之所正顯。種種衆行。皆歸趣之。無量功德。共莊嚴之。言說問答。而詮辯之。於五法中。唯取如如。於三性中。取成自性。於八識中。取唯識性。於二無我。

中取法無我所顯真如。而此妙體非異如如成自性等種種名字。非卽如如成自性等種種名字。如緣言說義計著者。仍墮建立及誹謗見。是故經云。如爲愚夫以指指物。愚夫觀指不得實義也。二簡僞濫者。夫世間一伎一能一事一物乃至四禪八定外道見網聲聞緣覺所得三昧所證涅槃權乘菩薩所有神通意生身等無不皆是自心現量。而不能徹諸法之源。亦不能窮諸法之際。皆非第一義境界也。又據世間伎能事物乃至凡外禪定。

諸見及諸三乘之所證得莫不自謂是第一義。而不能徹心性之源。亦不能窮心性之際。是以執有者則昧真空證空者則失幻有。滯二邊者則迷中道。取中道者則隔二邊。皆不得爲自心現量也。縱令妙悟冷然了知心外無法。法法皆是心具心造。苟非獨一靜處。聞思修慧緣自覺了。向涅槃城習氣。身轉變已。自覺境界觀地。地中間勝進義相。猶不名爲善義菩薩。若但口云不生不滅自性涅槃。三乘一乘心自性等。如緣言說義計著。仍墮建立。

及誹謗見。何由契會此妙體也。三一法異名者。先會此經異名。次會他經異名。此經異名者。祇此自心現量第一義境界。亦名自覺聖智境界。亦名真識。亦名真相識。亦名如來自到境界。亦名無所有佛地無生。亦名海浪藏識境界法身。亦名如來不可思議所行境界。亦名常住法身。亦名自覺聖究竟差別相。亦名常不思議。亦名如來藏自性清淨。亦名空無相無願。如實際法性法身涅槃離自性不生不滅。本來寂靜自性涅槃。亦名無我如來。

之藏。亦名如來禪。亦名一乘。亦名出世間上上無漏界。亦名佛之知覺。亦名佛自得法。亦名本住法。如是等種種名字。皆是一體異名。如以衆指共指。一月也。他經異名者。華嚴經名爲法界。維摩經名爲不可思議解脫。大般若經名爲一切種智。金光明經名爲法性。大佛頂經名爲如來藏妙真如性。占察經名爲一實境界。法華經名爲諸法實相。大涅槃經名爲三德秘藏。梵網經名爲本源心地。乃至諸經論中。各有多名。所謂大圓鏡智菴摩羅識。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

中實理心。正徧知海大寂滅海大涅槃天。如天帝釋有千名字。如諸世尊。一世界各有十千名字。經體亦爾。並須尋名而悟體也。四入體之門者。第一義境雖是自心現量。而種種心量未忘。終難湊泊。經云。如是不生不滅。不方便修。則爲不善。是故於真實義。當方便修。此以行爲門也。又云。實義者。從多聞者得。多聞者謂善於義。非善言說。善義者。不墮一切外道經論。身自不隨。亦不令他隨。是則名曰大德多聞。是故欲求義者。當親近多聞。所

謂善義。此以教爲門也。統論教門。西四十六。依教一起行。行亦十六。今經正破三藏四門。兼用衍教一二十二門。且如唯心直進一語。若唯心故空。則通教四門也。唯心故假三諦隔歷。則別教四門也。唯心故中。三諦圓妙。則圓教四門也。又如妄想無性一句。若云了不可得。故無性。則通教四門也。若云更互出生。故無性。則別教四門也。若云當體卽真。故無性。則圓教四門也。通別八門。經雖不廢。而非正肯。今未暇說。圓融四門。應略辯之。所謂非一非四。

而論四。一一門。一切門。一切門。一門也。夫曰心曰
想。不可謂無。卽是有。門。曰唯曰無性。不可謂有。卽
是空門。爲破外道計。有我故。說空無相無願等句。
爲斷愚夫畏無我句。故說如來藏。卽是亦空亦有
門。唯心則空而不空無性。則有而不有。卽是非空
非有門。執之便成四謗。以互違故。融之便爲四門。
以不二故。約此圓融無礙之門。略明觀者。祇此唯
心四門。妄想無性四門。便是不思議境。諸佛已悟
我及衆生。云何尚迷。憫已傷他。上求下化。便是真

正發心。獨一靜處。自覺觀察。便是善巧止觀。離見
妄想。是破法徧。常自覺悟。修行方便。當離惡見。經
論言說。及諸聲聞緣覺乘。相是識通塞。上上昇進
是道品調適。當離羣聚習俗。睡眠是對治。助開諸
地。漸次相續建立。是知次位。遠離內外境界。心外
無所見。是能安忍。到無開發行。如實處。不生妄想。
是離法愛。當知此經前後勸修之文。十乘意足也。
五徧爲衆經體者。依於第一義境界。隨衆生心
而爲顯示。或實示其全。或權示其偏。或兼或但。或

對或帶。或開或顯。或說或泯。千經萬論。宛轉赴機。
 究其指歸。總屬心量。可以意知。不可言盡也。六
 徒爲諸行體者。統論半滿權實。諸三四昧。皆以第
 一義心。而爲其體。此經勅令宴坐山林下中上修。
 能見自心妄想流注無量刹土。諸佛灌頂。當知正
 是稱性起修。以修顯性。不知體性。宴坐何爲。知而
 不修體。亦不顯。縱令權行未悟。此體然離此體亦
 無權行。是故徒爲諸行體也。七徒爲一切法體
 者。一切諸法。五法三自性八識。二無我。收無不盡。

而此諸法。一一無非自心現量。若知諸法。唯是自
 心現量。則諸法皆卽第一義心。如真金所成諸器。
 則器器皆是真金。如濕性舉體作冰。作水。則冰水
 雖是濕性。縱令凡外二乘妄計心外有法。而外法
 畢竟非有。畢竟無非自心現量也。第二顯體。竟
 第三明宗者。宗是修行之要領。會體之玄樞。水性
 至冷。飲者方知。妙體離言。非修不契。修分正助。正
 乃名宗。如綱之總挈。綱目如梁之任持。瓦椽。故顯
 體之後。急須明宗。此經以唯心直進。自覺聖智爲

宗。唯心直進。名爲真因。自覺聖智。名爲正果。蓋自心現量第一。義境界。心佛衆生。三無差別。迷時不減。悟時不增。體非因果。而悟此境界以爲真因。乃名唯心直進。證此境界以爲極果。乃名自覺聖智。是故經云。觀察無始虛僞過妄想習氣因三有。此明破我法二執。以唯心識觀爲方便道也。又云。思惟無所有。佛地無生。此明全以果覺理體而爲所觀。所謂不生不滅爲本修行。因該果海。真如實觀爲真修道也。又云。到自覺聖趣。自心自此明與。

佛同體也。又云。到無開發行。如隨衆色摩尼。隨入衆生微細之心。而以化身隨心量度。此明與佛同用也。又云。諸地漸次相續建立。此明無位次中假立位次。如虛空丈尺。入海淺深。終始地位中間永無諸委曲相也。又云。前聖所知。轉相傳授。妄想無性。菩薩摩訶薩獨一靜處。自覺觀察。不由於他離見妄想。上上昇進入如來地。是名自覺聖智相。此卽顯示唯心直進。從因趣果之正宗也。初祖謂二祖云。吾觀震旦所有經教。唯楞伽四卷可以印心。

此之謂也。第三明宗竟。第四辨用者。此經以破外道餘乘我法二執爲用。亦以離心意意識五法自性二無我相爲用。蓋由外道餘乘不達自心現量妄計心外實有我法。故佛應病與藥爲說八識五法三性及二無我以對治之。若復隨言說義計著謂實有此八識五法三性二無我等差別之相可得。還同法執。故古人云。五法三自性皆空。八識二無我俱遣。當知但是空其情計遣其執著。而五法自性識無我等本是自

心現量。本無可空亦無可遣也。何以言之。迷於如。如是起妄想。妄想非智。故於無名相中計名著相。若知名相。本空不起妄想。便名正智。非別有正智可得也。由正智故。知名無名。知相無相。無名無相。假號如如。非別有如如可得也。設有一如如可得。則如如亦是名相。違同妄想矣。譬如翳目妄見空華。醫病若除。華相本滅。華不起處。即是虛空。非別有虛空可得也。若謂有虛空可得。卽建立相。若謂竟無虛空。卽誹謗相。當知虛空離有離無。不墮四

句。則如如亦離有離無不墮四句也。如如離有離無不墮四句。則名相妄想正智亦皆離有離無不墮四句也。是故如來爲諸衆生顯示迷悟差別方便建立五法以破斲見。因諸衆生轉計五法實有定法。又復方便遣空以破常見。是則雖建立而非有。雖遣空而不無。五法既爾。三性八識二無我等例皆可知。依他如幻無實我法。橫計我法便爲妄想。悟二無我便顯圓成。依藏識海起七識浪。若云定一不應起有先後多少。若云定異應非水體。是

故偈云。心意識八種俗故相有別。真故相無別。相所相無故。斯乃破立同時空有不二不墮四句明矣。凡外於識自性相應及所變影不能了知。唯是心量妄計有我。故爲開示人無我理。豈於心外別有一理。名爲人無我耶。餘乘於識自性相應及所變影不能了知。唯是心量妄計有法。故爲開示法無我理。豈於心外別有一理。名爲法無我耶。是故此經總破一百八句。別破外道異因。及七自性有種無種。自相共相乃至三乘五性建立誹謗。有無

一異俱不俱等。又復爲說四大造色諸陰性相妄想分別三意生身有無有見宗說通相語義智識相續解脫離於世論破外涅槃破外無常簡滅正受生滅利那種種變化而終之以不食肉門可謂執無不破疑無不遣故使菩薩依之進修永離戲論妄想分別唯心直進速到自覺聖智克證自心現量第一義境界也第四辨用竟不論空與非空

第五教相者此是大乘方等教攝若約五味分別卽是生酥彈偏斥小歎大褒圓明三_是權顯一_是

實外道與愚小並破卽空與圓中並陳蓋是以圓接通以通入圓於七種二諦中乃幻有爲俗幻有卽空不空一切法趣空不空爲真也於五種三諦中乃有漏爲俗無漏爲真非漏非無漏具一切法爲中也經中雖亦列明別十地相而隨卽云無所有何次意在頓超直入不局三祇漸次故非歷別法門乃接引界內利根令成界外利根卽事卽理卽真卽中故爲禪宗之正印也略明五重玄義竟

楞伽阿跋多羅寶經玄義

增刻印芳名葛門胡氏同女胡大姐一兩二錢

性空六錢願法界衆生福慧增崇同生淨土

寂惺八兩二錢葛門胡氏同女胡大姐一兩二錢

中空不空真無所有實無所有者無所有者
無所有者無所有者無所有者無所有者無所有者

楞伽阿跋多羅寶經卷第一義疏上

時中二天竺三藏求那跋陀羅譯經

支那沙門萬益釋智旭疏義

一切佛語心品之一

一切者遍指十方三世也。佛者覺也。佛說無量法

唯明一心義。故云佛語心爲宗也。迷心逐語則語成糟粕。離語覓心則心若龜毛。今以心契語以語印心。故名佛語心品。然茲一經共有三譯。此名宋

譯。最居其先。文有四卷品題。唯一次元魏菩提留

楞伽義疏一之二

支所譯文有十卷品有十八次。唐朝實叉難陀所譯文有七卷品題有十。必須三譯並參方知此經脈絡旨趣。而今譯序分甚略。流通未傳。故亦旁引二譯方成三分。

初序分 此譯畧。二譯詳。五品。唐譯分十品。皆有一品。 正宗分 此譯一品。魏譯分十一品。無二譯。

三流通分 此譯無二譯。

初序分二。初通序二別序。魏云。請佛品第一。唐云。羅婆那王勸請
初中二。初標聞法時處二引聞持之伴

今初譯寶聲卷第一。并題上

如是我聞。一時佛住南海濱楞伽山頂。種種寶華以爲莊嚴。魏云。婆伽婆住大海畔摩羅耶山頂上楞伽城中。彼山種種寶性所成。諸寶間錯光明赫然。如百千日照耀金山復有無量華圍香樹。皆寶香林。微風吹擊搖枝動葉。百千妙香。一時流布。百千妙音。一時俱發。重嚴屈曲處處皆有。仙堂靈室龕窟無數。衆寶所成。內外明徹。日月光輝不能復現。皆是古昔諸仙聖賢思如實法得道之處。唐云。佛住大海濱摩羅耶山頂楞伽城中。

疏曰。此卽五事證信之四也。如是者舉所聞之法。我聞者明能持之人。卽時者明聞持之所也。據魏唐二時從佛聞。南海濱等者明聞持之所也。據魏唐二譯並云山頂楞伽城中。此云楞伽山頂。蓋影畧也。

觀心釋者。海是八識境界。山是法性城。是大般涅槃。種種寶華。卽是性具智慧妙寶功德妙華。從法性生還以莊嚴法性也。佛在其中者。卽是自覺聖智不離自心現量第一義境。

二引聞持之伴

與大比丘僧及大菩薩衆俱。從彼種種異佛刹來。是諸菩薩摩訶薩無量三昧自在之力。神通遊戲。大慧菩薩摩訶薩而爲上首。一切諸佛手灌其頂。自心現境界善解其義。種種衆生種種心色。隨種種心種種異念。無量具足無量自在三昧。神通之力。奮迅遊化。善知五法。自性識。二種無我。究竟通達。大慧菩薩摩訶薩而爲上首。一切諸佛手灌其頂。而授佛位。自心爲境。善解其義。種種衆生種種心色。隨種種心種種異念。無量度門。隨所應度。隨所應見。而爲普現。○唐云。與大比丘衆及大菩薩衆俱。其諸菩薩摩訶薩悉已通達五法。二性諸識無我。善知境界自心現義。遊戲無量自在三昧。神通諸力。隨衆生心。現種種形。方便調伏。一切諸佛手灌其項。皆從種種諸佛國土而來此會。大慧菩薩摩訶薩爲其上首。

疏曰。准今本及魏譯則比丘菩薩兩衆皆從他土來集。據唐譯則比丘似是常隨衆。菩薩乃從他土

機伽羅經卷之二

來也。若常隨比丘則有應化實行二種。若來集比丘則是應化者多。或彼應化以神通力兼攜實行者來。要必堪聞大乘法者乃獲與嘉會耳。列名以比丘居前者出世相故有定踪故歎德唯在菩薩者顯大乘故紹佛業故餘對二譯可解。通序竟

二別序

二譯有今經缺

疏曰。准魏唐本。佛先於龍王宮中說法七日。向海南岸遙望山城微笑而說過去諸佛因緣。彼王聞已。迎佛入城。現諸神變。問答二法。須者尋之。序分

竟二法者。因如來說法尚應捨何況非法。乃問何者名法。何名非法。何得有二也。

本正宗分。大科爲二。初總明一百八句。二別明三十九門。

駁初總明一百八句。

魏云。問答品第二。唐云。集一切法品第二。

文分

吸爲三。初說偈讚佛。二請佛垂許。三正申問答

掛初中二。初經家敘儀。二大慧偈讚。今初爾時大慧菩薩與摩帝菩薩俱遊。一切諸佛刹土。承佛神力從座而起。偏袒右肩右膝著地。合掌恭敬以偈讚佛。

魏云。爾時聖者大慧菩薩與諸一切

大慧菩薩俱遊。

一切諸佛國土云云。

櫻伽義疏「二」

疏曰。摩帝亦云末底。此翻爲慧。欲達自心現量第
一義境。必藉自覺聖智大慧故也。慧爲法界。一切
法趣慧了。知諸佛刹土皆是自心所現境界。故能
俱遊而能遊。所遊並依本覺佛性故云承佛神力。
知諸法空而不取證故云從座而起。顯出度生方
便故云偏袒右肩。方便不離實際故云右膝著地。
權實不一。隨順法性故云合掌恭敬。由始覺智顯
本覺理故云以偈讚佛也。

二大慧偈讚二初正讚佛德二結勸修觀今

世間離生滅猶如虛空華。智不得有無而興大悲心。
魏云。佛慧大悲觀。世間離生滅猶如虛空華。有無不可得。下三偈例同。唐譯今本大同。

疏曰。此讚佛究竟通達五法也。世間名相唯從妄
想建立。性本如如離於生滅了。此非有非無名爲
正智也。智不得有無故。非生法三緣之悲名爲大
悲而起大悲心故。非二邊之智名爲不得有無之
智。一切法如幻遠離於心識。智不得有無而興大悲心。

櫻伽義疏「二」

五

疏曰。此讚佛究竟通達三自性也。一切諸法緣起如幻心識執之而爲妄想遠離心識妄想則顯成自性矣。大悲亦對非二學。文體合於本旨。遠離於斷常世間恒如夢智不得有無而興大悲心。疏曰。此讚佛究竟通達八識也。八識互爲因果展轉相續故非斷常變現世間一切如夢知人法無我煩惱及爾燄常清淨無相而興大悲心。疏曰。此讚佛究竟通達二無我也。煩惱謂分別俱生種種諸惑性是煩擾惱亂行人卽人我執也。爾

燄此翻所知亦翻境界卽三界內外種種諸法智苟有障不能了知故云所知不是障是障障所知卽法我執也。今知煩惱常清淨無相是究竟通達人無我知爾燄常清淨無相是究竟通達法無我一切無涅槃無有涅槃佛無有佛涅槃遠離覺所覺若有若無有是二悉俱離不_{魏云}住離覺所覺法有無二俱離○唐云佛不住涅槃涅槃不住佛遠離覺所覺若有若非有法身如幻夢云何可稱讚知無性無生乃名稱讚佛佛無根境相不見名見佛云何於牟尼而能有讚歟

實無有能通達及所通達之二相也。一切者。卽指五法。自性。諸識。無我。也。諸法從本來常自寂滅。相不復更滅。故云。一切無涅槃也。無有入於涅槃之佛。亦無有佛能入涅槃。以佛是能覺之智。涅槃是所覺之理。理智不二。實無能所。故云遠離覺所覺也。若定云佛及涅槃是有。則有能所。墮建立過。若定云佛及涅槃無有。則成斷滅。墮詆謗過。故云。若有若無有是二悉俱離也。初正讚佛德竟。

二結勸修觀

牟尼寂靜觀。是則遠離生。是名爲不取今世後世淨魏云。若如是觀佛。寂靜離生滅。彼人今後世離垢無染取。○唐云。若見於牟尼寂靜遠離生。是人今後世離著無所取。

疏曰。此勸行人於牟尼世尊當以此寂靜之理而觀察之。是則遠離二種生死。是名爲不取諸法而今世後世悉皆清淨也。初說偈讚佛竟。
晉書二請佛垂許。初說名啟。請二佛許恣問。今

初說名請問

爾時大慧菩薩偈讚佛已。自說姓名。我名爲大慧。通

達於大乘。今以百八義仰諮尊中上

魏云。仰諮無上尊

二佛許諮問

世間解之士聞彼所說偈觀察一切衆告諸佛子言汝等諸佛子今皆恣所問我當爲汝說自覺之境界

二請佛垂許竟

三正申問答二初問二答當今初聖而爾時大慧菩薩摩訶薩承佛所聽頂禮佛足合掌恭敬以偈問曰云何淨其念云何念增長云何見癡惑云何惑增長魏云何淨諸覺何因而有覺何因見迷惑何因有迷惑○唐云云何起計度

迷惑云何淨計度云何起

疏曰此總問迷悟之源也言云何淨其妄念云何妄增長云何照見此癡惑云何疑惑增長耶

何故刹土化相及諸外道

魏云何因有國土化相諸外道

疏曰此問何故而有刹土何故而有變化六道等

相何故復有諸外道法耶

云何無受次何故名無受何故名佛子解脫至何所誰縛誰解脫

魏云云何名佛子寂靜及次第解脫至何所誰縛誰能解及無影次第解脫至何所誰縛誰能解

疏曰。無受卽魏譯所云寂靜。唐譯所云無影也。以
不受一切諸受故。名正受亦名無受。乃根本智正
證真如不變相故。離分別故。故云無影。亦云寂靜。
此真如境。雖無次第。由斷障次第而立多名。具如

唯識論十地廣明。三乘。唯願爲解說。魏云。禪者觀
何法。何因有三乘。緣起何所生。云何作所作。魏云。何因
緣生法。次句同。彼云何俱異說。云何爲增長。魏云。何因俱異說。何因無而現。唐云誰說二俱異。云何諸有起。云何無色定。及與滅

正受。二皆作減盡定。云何爲想滅。卽無。何因從定覺。云何所

作生進去及持身。魏云。云何因生果。云何現分別。云何

生諸地。魏云。何因親所見。何因生諸地。破三有者誰

何處身云何往生何所至云何最勝子。魏云。被三有
者誰。何身至何所。云何處而住。云何諸佛子。唐云。云何有

佛子。誰能破三有。何處身云何生復住何處。何因

得神通及自在三昧。云何三昧心最勝爲我說。魏第
三句

云何因得定心。餘同。宋○唐云。云何得神通。自在及三昧。三昧心何相。願佛爲我說。云何名爲

藏。云何意及識。云何生與滅。云何見已還。魏云。何因
因意及識。何因見諸法。何因斷所見。云何退諸見。

名藏識。云何名意識。云何起諸見。云何退諸見。云

何爲種性非種及心量。

魏云。云何性非性。云何心無

唯是云何建立相及與非我義。云何無衆生。云何世心

俗說。魏云。何因說法相。云何名無我。何因無衆生。何

何無衆生。云何成無我。云何隨俗說。魏云。何因不

見斷。唐云。云何得不起。常見及斷見。云何佛外道其相不相違。魏云。何因不

見常。何因不起。常見及斷見。云何當來世種種諸異部。云何魏作何故。云何空何因。

云何利那壞。魏云。云何名爲空。何因念不住。云何胎藏生。云何世不動。唐云。胎藏云何起。云何世不動。何

因如幻夢及健闡婆城。世間熱時燄及與水月光。魏云。

云何如幻夢。說如健闡婆陽燄水中月。世尊爲我說。唐云。云何諸世間如幻亦如夢。乾城及陽燄。乃至

月中何因說覺支及與菩提分。魏云。云何說覺支。何

何菩提分。覺分。因菩提分。唐云。云分從何起。云何國土亂。云何作有見。唐云。何故

見諸有。云何不生滅。世如虛空華。云何覺世間。云何說離字。魏云。何因不生滅。何因如空華。何因覺世間。何因無字說。唐云。云何知世法。云何離文字。云何如空華。不生滅。亦不離妄想者誰。云何虛空譬。魏云。云何無分別。何

何如虛空。云如何離分別。幾岸。唐云。真如有幾種。諸度心有幾。何因度諸地。誰至無所受。魏云。云何地次第。真如無次第。唐云。云何地次第。云何得無影。何等二無我。云何爾儀

幾岸。唐云。真如有幾種。諸度心有幾。何因度諸地。誰至無所受。何因地次第。真如無次第。唐云。云何地次第。云何得無影。何等二無我。云何爾儀

校讎事疏一卷

十一

淨。魏云。何因二無我。何因境界淨。諸智有幾種。幾戒。

唐

云。

何者

二無我。

云。何所知淨。

諸智有

幾種。

幾戒。

衆生性。

魏云。

幾種智。

幾戒。

何因衆生生。

誰生

諸實性。

摩尼真珠等。

魏云。

誰作

諸寶。

性。

金摩尼珠等。

並云。何出。

誰生

諸衆生。

語言衆生種種性。

魏云。

誰生

於語言。

衆生

及諸物

明處。

處及伎術誰之所顯示。

魏云。

五明處。

伎術。

誰能如是說。

伽陀有幾種

長頌及短句。

魏云。

云何長短句。

成爲有幾種。

云何名

爲論。

魏云。

法復有幾種。

解義復有幾

種。

云何生飲食及

生諸愛欲。

魏云。

何因飲食種。

何因生愛欲。

云何名爲

王轉輪及小王。

魏云。

何守護國土。

○唐云。

云何轉輪王。

及以諸小王。諸天有幾種。云何名爲地星宿及日月。

云何王守護。諸天有幾種。何因而有地。何因星日月。解脫。

魏云。

諸天有

幾種。

何因

有地。

唐云。

天衆幾種別。

地日月星辰。

斯等並是何

解脫。

修行者是各有幾種。

魏云。

解脫有幾種。

修行師復幾

弟子有幾種。

云何阿闍梨。

魏云。

第二句云。

阿闍梨幾種。

幾差別。

佛復有幾種。

復有幾種生。

魏云。

如來有幾種本

生。

有幾種。

○唐云。

如來有

幾種。

生事亦然。

幾種。

○唐云。

衆魔及自性

各有幾種。

魏云。

摩羅有

幾種。

異學有

幾種。

○唐云。

自性幾種。

心有幾種別。

云何唯假說。

願佛爲開演。

云何空風雲。云何念聰。

妙法華經疏卷第一

十一

明云何爲林樹云何爲蔓草

魏云何因有風雲何因

尊爲我說○唐云云何爲風雲念智

何因有藤樹等行列此並誰作

何而捕取○魏云何因象馬鹿何因人

捕取云何爲卑

陋何因而卑陋云何卑陋人願佛爲我說

攝魏云何因有六時攝云何一闡提男女

云何修行退云何修

行生二皆禪師以何法建立何等人魏云教何等人

作進○唐云何六時攝云何成闡提男女皆

云何生及不男爲我說其生云何修行退云何修

魏云何因日月形須彌及蓮華師子形勝相國土爲我說亂側覆世界如因陀羅網一切寶國土何因爲我說如箜篌琵琶鼓種種華光離日月光明何因爲我說○唐云何故諸國土猶如日月形須彌及蓮華五字師子像何故諸國土如因陀羅網覆住或側住一切寶所成何故諸國土無垢日月光或如華果形箜篌細腰鼓

云何爲化佛云何報生佛云何如如佛云何

智慧佛魏如智佛合爲一○唐云云何變化佛云何爲報佛真如智慧佛願皆爲我說云何

於欲界不成等正覺何故色究竟離欲得菩提離欲中得道○唐云善逝般涅槃誰當持正法天師住久離染得菩提及比丘世尊爲我說○唐云悉檀有幾種諸見復有幾何故彼諸最勝子緣覺及聲聞立毘尼及以諸比丘正法幾時住魏云如來般涅槃何人持正法世尊如正法幾時住○唐云如來滅度後誰當持正法後二句同魏悉檀及與見各復有幾種毘尼比丘

分云何何因緣魏云如來立幾法各見有幾種毘尼幾種諸見復有幾何故

彼諸最勝子緣覺及聲聞立毘尼及以諸比丘因百變易云何百無受魏云何因百變易何因百變易靜聲聞辟支佛世尊爲我說

○唐云一切諸佛子獨覺及聲聞云何轉所依云何得無相

云何世俗通云何出

世間云何爲七地唯願爲演說魏云何因世間通何心世尊爲我說○唐云云何得世通云何出

世間云何爲壞僧破僧云何醫方論是復何因緣因出世通何因七地

爲衆生廣說醫方論何故大牟尼唱說如是言迎葉拘留孫拘那含是我魏云迦葉拘留孫拘那含是我常爲諸佛子何故如是說何故說斯當

妙法蓮華經卷之二

三

及與我無我。魏云。何故說人。何不一切時演說真實。

我。何故說斷當。何不唯說實。一切。

義而復爲衆生分別說心量。魏云。何故不但說唯有

唯心造。一切。何因男女林訶梨阿摩勒。雞羅及鐵圍金剛等諸山無量寶莊嚴。仙闍婆充滿。

種種寶莊嚴。仙樂人充滿。世尊爲我說。

魏前四句同前。云。次及無量山

男女林訶梨阿摩勒。雞羅婆輪圍。及以金剛山。如是處中間無量寶莊嚴。仙人乾闥婆。一切皆充滿。此皆何因緣願尊爲我說。

因疏曰。自何故刹土化至此。皆徧問世出世間一切

諸法。意顯並由迷悟之所幻現。一一推簡決無實

性。總不出於自心現量也。但將二譯對讀其旨自

明。不煩別釋。一二名相考附卷末。初問竟

第二答爲二初偈牒。二正答。初爲五。初總讚許。

轉二領所問。三責所未問。四復領所問。五結讚誠

聽。今初

無上世間解聞彼所說偈。大乘諸度門。諸佛心第一。

善哉善哉。問。大慧善諦聽。我今當次第如汝所問說

唐云。爾時世尊問其所請大乘微妙諸佛之心最上法門。卽告之言。善哉大慧。諦聽。如汝所問當次第說。卽

說。須曰

三領所問二。初略示宗旨。一廣述前問。今初

生及與不生涅槃空刹那趣至無自性。魏作無自體。唐云若生若不生。涅槃及空相流轉無自性。

疏曰。此總明彼之所問。不出有爲生法。無爲不生法。而涅槃空相刹那流轉相皆無自體性也。何者。不生不滅名爲涅槃。初生卽滅。名爲刹那。刹那似有流轉。如醫所見華華本無體性也。涅槃雖無流轉。如空不拒華。空亦無自性也。此則生死涅槃皆是自心現量。如水與水。同一濕性。豈各有自性哉。

二廣述前問

佛諸波羅蜜佛子與聲聞緣覺諸外道。及與無色行如是種種事。須彌巨海山洲清刹那地星宿及日月。外道天修羅解脫自在通。力禪三摩提。魏云。力定滅及如意足。覺支及道品。唐云。菩提諸禪定無量。諸陰身往來。魏云。五陰及去來。正受滅盡定。三昧起心說。魏云。四空定滅盡發起心而說。唐云。心意及與識無我云。乃至滅盡定心生起言說。唐云。心意及與識無我法有五。自性想所想。及與現二見。魏云。二〇。唐云。相所想。所見能見。自性分別所分別能所二種性。乘及諸種性。金銀摩尼等。一闡提大種。魏云。四大。五蘊。荒亂及一佛土。

疏曰。乘謂三乘。諸種性謂五種性。荒亂謂國土亂。

一佛謂迦葉拘留孫拘那含是我也。

智爾能得向。

唐云。智所知教得。

衆生有無有。

象馬。

諸禽獸云何而採取。

譬因成悉檀及與作所作。

魏云。

譬喻因相應力說法云何。何因有因果。

○唐叢林迷云。云何因譬喻相應成悉檀所作及能作。

云何因相迷惑如實但心無境界。

魏云。相迷惑如是真實理。○唐云。衆林與迷惑如是真實理。

心無諸地不相至。

二皆云。諸地無次第。百變百無受。

魏云。百變及無相。

唐云。無相轉所依。

醫方工巧論技術諸明處作咒。

疏曰。領前所問。前後間襍。不拘次第。意顯諸法無。

性錯綜變化互具互生。不可膠名滯相致昧隨緣。

不變不變隨緣之妙理也。二領所問竟。

三責所未問。

魏云。

大慧復不問昔舉舉。

諸山須彌地巨海日月量。下中上衆生身各幾微塵。

十一刹幾塵弓弓數有幾。

唐云。一弓幾財。

云。

半由延由延。

魏云。二十及四十。唐作由旬。免毫憲塵蟇。羊遊。

毛麪麥塵。

唐云。免毫與隙。羊毛麪麥。

云。

鉢他升幾麪麥阿羅子麪。

一鉢法梨解勒又一萬及舉利。乃至頻婆。

羅。一是各有幾數爲有幾阿菟。

微子。舍梨沙婆。芥子。

舍梨沙婆名爲一頰提_草幾頰提摩沙_亞幾摩沙陀

那_鉢復幾陀那羅爲迦梨沙_那_雨幾迦梨沙_那爲成

一波羅_新此等積集相幾波羅彌樓_{唐云}幾_{須彌}是等

所應請何須問餘事聲聞辟支佛佛及最勝子身各

有幾數何故不問此火燄幾阿嵬風阿嵬復幾根根

幾阿嵬毛孔眉毛_幾_{魏云根根幾塵}

_{毛孔眉毛幾塵}

生良客

疏曰此等積聚數量佛責大慧所不問者如華嚴

阿僧祇品所明乃是佛果妙智於一切差別境界

現量印知不俟推算故唯識云然識變時隨量大

小頓現一相非別變作衆多極微合成_狀物也大

佛頂經云恒沙界外一滴之雨尚知頭數譬如明

鏡無心萬像畢照海印不動諸影並呈又如權度

無心而輕重長短分毫不昧斗斛無心而多少盈

縮纖小莫欺良以一切依正皆唯心現與心作境

凡外二乘及諸權乘菩薩未證自心現量所以或計邪因無因所生或計能成所成假實有異或棄

境而偏守枯心或比知而莫測涯際總不能圓極

一照性相畢知也接響云世尊詰責大慧所問不

周正欲窮出無性令人脫然即可推古不至令。今非昔人萬法由來無性不遷卽諸心境當處冥會五法三自性八識既無我從何建立是不遣而遣不空而俱空乃悟緣會性空之要門也。

四復領所問。一復赴五晉錄。依釋典。詣就護財自在王。魏云。何由轉輪聖帝王。唐云。云何得財。云何王守護。云何爲解脫廣說及句說。富云。何轉輪王。云何得解脫。如汝之所問衆生種種欲種種諸飲食。唐云。婦欲。云何男女林金剛堅固山。云何如幻夢野及飲食。

鹿渴愛譬。云何山天仙健闥婆莊嚴解脫至何所誰縛誰解脫。云何禪境界變化及外道。云何無因作。云

何有因作。有因無因作。及非有無因。云何現已滅。魏云。云何起計度。唐云。云何淨諸覺。唐云。云何淨計度。云何諸覺

轉及轉諸所作。唐云。所作云何。起云何而轉去。云何斷諸想。魏云。作云何。

何三昧起。魏云。出三昧。唐云。起三昧。破三有者誰。何處爲何身。魏云。身何處。唐云。云何無衆生而說有吾我。云何世

俗說。唯願廣分別。二譯皆無此句。所問相云。何及所問非我。

魏云。何因問我。云何爲胎藏。及種種異身。唐云。及以相云。何問無我。

機仰義疏

卷之二

云何斷常見。云何心得定。

唐云心

言說及諸智戒種

性佛子。云何成及論。魏作勘解。唐云何稱聖釋。○唐云

種諸衆生。斯等復云何。云何爲飲食聰明魔施設。云

何樹葛藤最勝子所問。云何種種刹仙人長苦行。云

何爲族姓。從何師受學。云何爲醜陋。云何人修行。欲

界何不覺。唐云云何欲界。中修行不成佛。○唐云色究竟。云

何俗神通。云何爲比丘。云何爲化佛。云何爲報佛。云

何如如佛平等智慧佛。云何爲衆僧。佛子如是問。箜

篌腰鼓華刹土離光明心地者有七。

魏云云何爲心地。○唐云云何

使^其心得^住七地中。所問皆如實^聞全義^曉收全華^照

疏曰此復領前所問亦皆錯綜不拘次第並顯諸法無性不離自心現量故也

五結讚誠聽^聞不^容於^中解^世分^解皆^是表^此及^餘衆^多佛^子所^應問。一一相^應遠離諸見過悉植離言說。唐云亦離於世俗言語所成法。我今當顯示次第建立

句佛子善諦聽此上百八句如諸佛所說^{雖^是百八}疏曰言此汝之所問及餘衆多汝所未問皆是佛子之所應問以一一相皆與自心現量第一義境

相應遠離種種四句見過。乃是如來普遍法施。離於世俗言語所成。唯自證法及本住法。故今當顯示也。此上所問世出世法。隨迷一法皆能起百八見。百八煩惱。隨悟一法皆能破百八見而成百八義。乃三昧法門。故於無句之中。方便次第建立百八句。善諦聽。何由成就聞思修慧也哉。初偈牒竟。

二正答。此約一心真如門說。故百八句總云非也。破情不破法。以法體全妄。卽真如全華卽空。

全冰水卽濕性。無可破故。故魏譯句字皆作見字。句是名句。從意言分別而有。遣句正遣見耳。不生句。生句。魏云。生見不生見。常句。無常句。相句。無相句。住異句。非住異句。刹那句。非刹那句。自性句。離自性句。空句。不空句。斷句。不斷句。二譯有心句。句非心句。邊句。非邊句。唐無中句。非中句。常句。非常句。緣句。非緣句。因句。非因句。煩惱句。非煩惱句。愛句。非愛句。方便句。非方便句。巧句。非巧句。唐作善巧。淨句。非淨句。唐作清淨。成句。非成句。二作相應。譬句。非譬句。二作譬喻。弟子句。非弟子句。

機傳義疏一卷

三

師句。非師句。種性句。非種性句。三乘句。非三乘句。所

魏作寂靜

唐作願

唐作願

唐作願

唐作願

唐作願

唐作願

唐作願

唐作願

三輪句。相句。非相句。

唐作標相

有品句。非有品句。

魏云。有

無立見

唐云。有

無立見

唐云。有

無立見

唐云。有

無立見

唐云。有

無立見

唐云。有

無立見

俱句。非俱句。

見無二見

緣自

聖智現法樂句

非現法樂句

唐云。自證聖智句

非現法樂句

唐云。自證聖智句

現法樂句

魏作因土

唐云。刹句

阿菴句

魏云。微塵

水句

非水句

弓句。非弓句。

實句

魏作四大

數句

非數句

唐作算數

數句

非數句

無此

利土句。非利土句。

魏作因土

唐云。刹句

阿菴句

魏云。微塵

水句

非水句

弓句

非弓句

實句

魏作四大

數句

非數句

唐作算數

數句

非數句

無此

上聲呼之明句。非明句。

魏作通

唐作神通

虛空句

非虛空句

雲句。非雲句。工巧伎術明處句。非工巧伎術明處句。

二皆作

風句。非風句。地句。非地句。心句。非心句。施設

句。非施設句。

魏作假名

自性句。非自性句。

唐作陰

體性

陰句。非陰句。

唐作蘊

衆生句。非衆生句。慧句。非慧句。

魏作智

涅槃句。非涅槃句。爾餽句。非爾餽句。

魏作境

外道句。非外道句。荒亂句。非荒亂句。幻句。非幻句。夢句。非

夢句。餽句。非餽句。像句。非像句。影像輪句。非輪

唐作所知

火輪句。健闡婆句。非健闡婆句。天句。非天句。飲食句。

唐作火輪

唐作健闡婆

唐作天

唐作飲食

非飲食句。婬欲句。非婬欲句。見句。非見句。波羅蜜句。

唐作婬欲

唐作見

唐作波羅蜜

非波羅蜜句。戒句。非戒句。日月星宿句。非日月星宿句。

諦句。非諦句。果句。非果句。二皆有減句。非減句。減起句。非減起句。

魏作起。滅盡定治句。非治句。唐作醫方。相句。非相句。支句。非

支句。唐作支。巧明處句。非巧明處句。唐作禪句。非禪句。迷

句。非迷句。現句。非現句。護句。非護句。族句。非族句。魏作族姓。

種族。仙句。非仙句。王句。非王句。攝受句。非攝受句。魏作

捕取。寶句。非寶句。魏作實。記句。非記句。一闡提句。非

闡提句。女男不男句。非女男不男句。味句。非味句。事

句。非事句。二皆云。身句。非身句。覺句。非覺句。唐作計度。動句

非動句。根句。非根句。有爲句。非有爲句。無爲句。非無爲句。二皆無。

因果句。非因果句。色究竟句。非色究竟句。

節句。非節句。魏作時節。叢樹葛藤句。非叢樹葛藤句。魏作林樹。

唐作樹藤。雜句。非雜句。二作種種。說句。非說句。唐作演說。更

句。毘尼句。非毘尼句。比丘句。非比丘句。處句。非處句。二作住持。

字句。非字句。唐作文字。大慧是百八句。先佛所說。汝

及諸菩薩摩訶薩應當修學。

譯各有一百六句。而皆出沒離合小殊意顯隨拈。疏曰。此百八句。准今譯止有一百四句。准魏唐二

無爲假立四相。本無今有。有位名生。生位暫停。卽說爲住。住別前後復立異名。暫有還無。時名滅。前三有故。同在現在。後一是無。故在過去。又云。生表有法。先非有。滅表有法。後是無。異表此法非
 疑。然住表此法暫有用。此依剎那假立四相。一期分位亦得假立。初有名生後無名滅。生已相似相續名住。卽此相續轉變名異。是故四相皆是假立。
文今按此文則有二種四相。一是剎那四相。二是
卷一期四相也。就一期中。若約根身。則是生老病死。

若約器界。則是成住壞空。次明三相者。此經云。生住滅。或有云。生異滅以異而不異。故假名爲住。以住而不住。故假名爲異。如老病皆是異相。亦皆是住相也。次明二相者。生住異三既同屬有故。但名生滅旣屬無故。仍名滅。又住爲生之成故。可屬生。異爲滅之漸。或可屬滅也。夫衆生迷本藏心。妄有八識幻相。則妄見四相三相二相遷流。生已隨滅。滅已還生。從劫至劫。流轉不已。若達生滅無相。當體卽第一義。則生本不生滅。何所滅。自覺聖智。應

念圓成矣。迷悟開頭皆由於此。所以先問之也。

二答中^一。初正答生住滅。二申明邪正門。初

又二。初直答其相。二廣辨其因。今初

佛告大慧。諸識有二種生住滅。魏云。諸識各有二種生住滅。

非思量所知。

魏云。

非思量者之所能知。

唐云。

非慮度者之所能知。

知。

諸識有二種生謂

謂

二俱作

相續

及相生

有二種住

謂

流注住及相住

有二種滅。謂流注滅及相滅。大慧。諸識有三種相。謂轉相業相。真相。魏云。識有三種。一者轉相識。二者業相識。三者智相識。

疏曰。諸識者。總舉八識心王。亦攝五十一心數法。

及所變色。并不相應行而言之也。各有二種生住滅者。八識心心數法。各有現行生住滅相。名爲相生住滅。各有種子生住滅相。名爲流注生住滅也。此流注生住滅相。既由種子而起現行。復由現行熏成種子。如炷與燄。展轉生燒。互爲因果。無暫時斷故。二譯皆各爲相續也。第八識流注生者。由七轉識熏習力故。令異熟種次第得生。流注住者。由陀那識執持力故。令異熟種長時不壞。流注滅者。由觀察智內熏力故。令異熟種畢竟永捨也。第八

識相生者。由引業力所招感故。創於三有受異熟果。相伴住者。由引業力功能差別。合於一期分割決定。相滅者。由異熟因勢力盡故。令所執持身命死亡也。前七識流注生者。由第八識能受熏故。令彼現行熏成種子。流注住者。由種子識能執持故。令彼種子不失不壞。流注滅者。由無漏道能違彼故。令彼種子永不續生也。前七識相生者。第七但藉三緣而生。故隨第八識所生所繫恒依第八而轉還緣。第八第六須藉五緣而生。故生時多不生時少。前五須藉九七八七緣乃生。故生時少。不生時多也。前七識相伴住者。第七與第八同一期在前六則隨緣長短。住無定限也。前七識相滅者。第七雖同第八生滅。而第八緣身界時捨命暫滅。第七緣第八時雖復捨命。亦不滅以我執不間斷故。唯入生空觀時或入滅盡定時。則我執相暫滅。若入法空觀時。則法執相暫滅耳。前六所緣境滅。卽滅易可知也。次云諸識有三種相者。宗鏡錄云。起心名轉。八俱起故。皆有生滅。故名轉相。動則是業。八識

皆動盡名業相入之真性盡名真相。當知八識相生住滅皆轉相也。八識流注生住滅皆業相也。二種生住滅無體無性。如波與流。唯一濕性。卽真相也。魏云智相識者。唯有自覺聖智。乃能了妄。卽真故也。

一廣辨其因三。初正明。二喻顯。三簡非。今初大慧。畧說有三種識。廣說有八相。何等爲三。謂真識。現識及分別事識。事識。唐云。大慧說廣說有八。何等爲三。二者分別。者。二謂現識及分別事識。是。大慧說不盡。故曰。三。也。

疏曰。此應依二譯爲是。蓋此所謂現識。魏名了別識者。獨指第八識言。謂能頓現根身器界及諸種子。任運能了別此三性境故。此所謂分別事識者。通指前七識言。謂第七識虛妄分別我法假事。第六意識分別一切假實諸事。前五根識分別五塵現量實事故也。今譯復加真識而云三種恐非梵文本旨。設欲消釋。應云祇一如來藏心真識。舉體大而爲現識及分別事識。如舉濕性而爲海水及波浪也。若以真識對前真相。而以現識對前業相分。

別事識對前轉相。則如來有重言之過矣。

大慧。譬如明鏡持諸色像。現識處現亦復如是。大慧。現識及分別事識此二壞不壞相展轉因。魏云。彼二別相。遞共爲因。○唐云。真識無相。而云。此二識無異相。互爲因。

疏曰。此正明第八能現諸法故名現識。兼明與前七互爲因也。夫一切色像皆是明鏡所持不在鏡外。則知一切根身器界種子皆是藏識所持亦不在藏識外矣。然明鏡之外猶有所對本質而藏識之外。并無所對本質以藏識本無形質亦無方隅。

分割不同明鏡之有形質方隅分割。故知但是片喻。非全喻也。壞不壞相者據魏唐譯止云無差別。相無異相。夫無異無差別者所謂真故相無別。即是壞相。亦前文所謂真相也。今又云不壞相者。卽下文所謂不壞相有八。亦前文所謂轉相業相也。除卻真相。卽無八識差別之相。如濕性之外無水波。除卻八識亦無真相。如水波之外無濕性。故云壞不壞相展轉因也。又就八識而論。若無第八所持種子。則不能生前七現行。并第八現行亦復不

能獨存。若無前七現行。則不能熏第八所持種子。并第八種子亦復不能自有。故云此二互爲因也。夫第八爲所熏前七爲能熏。前七爲所生第八爲能生。此約不壞相有八而言之也。能亦藏性。能即非能。所亦藏性。所即非所。此約真故相無別而言之也。真外無俗。俗外無真。能外無所。所外無能。而真俗能所亦復宛然不亂。故云展轉因也。

大慧不思議熏及不思議變。是現識因。魏云了別識不可思議熏變因○唐云現識以大慧取種種塵及無始妄想熏。不思議熏變爲因。

是分別事識因。魏云分別事識分別取境界因無始來戲論熏習○唐云分別事識以分別境界及無始戲論習氣爲因

疏曰。此正辨八識之生因也。夫如來藏第一義心舉體而爲前七轉識。乃前七轉識念念還熏如來藏心。令持一切諸法種子。名爲阿賴耶識。故名不思議熏。夫如來藏第一義心舉體而爲阿賴耶識。乃阿賴耶識念念變現根身器界及起諸心心數現行。名爲三界萬法。故名不思議變。除此熏變二法。更無現識可得。故云是現識因也。夫色聲香味

觸法名爲外塵。妄執第八見分以爲自內我法名爲內塵。而所以取此塵者。並由無始妄習所熏種子之力。設無妄想種子。縱有塵境。不生分別。設無塵境。縱有妄種。亦復不生分別。由自心所現妄塵還與妄想爲緣。由自心所具妄種。還與妄想爲因。故有前七分別事識。此外更無他因也。

大慧。若覆彼真識種種。不實諸虛妄滅。則一切根識滅。是名相滅。魏云。阿梨耶識虛妄分別種種。熏滅諸識。虛妄分別種種。習氣滅。即一切根識滅。是名相滅。

疏曰。此先釋八識相滅之因也。言覆彼真識種種。不實諸虛妄者。卽指阿賴耶識。受虛妄熏持虛妄種。雖卽全體真識。而能覆彼真識。如全水起波。波能覆彼澄清水體也。諸虛妄滅。謂第八因相滅。一切根識滅。謂前七果相滅。皆約現行言之。故名相滅。然已約還滅言之。不指尋常乍滅也。

大慧。相續滅者。相續所因滅。則相續滅。所從滅及所緣滅。則相續滅。魏云。相續滅者。相續因滅。則相續滅。謂所依因滅。及所緣滅。卽相續滅。大慧。所以者何。是其所依故。魏云。

所謂依法依依者。謂無始妄想熏緣者。謂自心見等緣。

○唐無田

魏云。言依法者。謂無始戲論妄想熏習。言依緣者。謂無始戲論虛妄習氣。

因依者。謂無始戲論。

論虛妄習氣。分別。○唐云。所

所緣者。謂自心所見分別。

境界。界。註解。註解。註解。註解。

疏曰。此次釋八識流注滅之因也。一切諸識流注相續。祇因習氣種子。能生現行。現行習氣復熏種子。所熏種子。名爲所從。現行境界名爲所緣。所從所緣皆名相續所因。以依此二。乃有種子相續故也。文中依者。依字別指所從。與是其所依依字不同。以所依依字通指所從所緣二因故也。初正明。

竟

二喻顯又二。初立喻。二法合。今初

大慧。譬如泥團微塵非異。非不異。金莊嚴具亦復如是。大慧。若泥團微塵異者。非彼所成。而實彼成。是故不異。若不異者。則泥團微塵應無分別。

疏曰。此以微塵譬藏識。以泥團譬分別事識。而以微塵泥團所依四微譬八識之真相。又以金譬藏識。以莊嚴具譬分別事識。而以金莊嚴具所依四微。亦譬八識之真相也。大凡立譬皆是曲順世間。

情謂所知。以易例難。令其得解。而真法者實非譬喻。所及且如微塵泥團。金莊嚴具。并彼所依色香味觸四微。以理言之。並是自心所現相分。因心成體。心外無法。本無能依。所依能成所成。差別之相可得。而據世間情謂。則四微爲所依。泥團微塵金莊嚴具。皆爲能依。可譬真識爲所依。八識皆爲能依也。又據世間情謂。則微塵與金爲能成。泥團與莊嚴具爲所成。可譬現識爲能成。分別事識爲所成也。夫既是所依所成。則非定異。既分能所。則非成也。

定一。是故真如與一切識非異。非不異。八識展轉相望。亦非異。非不異也。文中彼字意指四微。

人當一法合休。坐主無著。持轉。入端。皆諸法中。如是大慧。轉識藏識。真相若異者。藏識非因。若不異者。轉識滅藏識亦應滅。而自真相實不滅。是故大慧。非自真相識滅。但業相滅。
疏曰。轉識合前泥團及莊嚴具。藏識合前微塵及金。真相二字。正合前彼字所指四微也。若約譬喻。則應云。泥團微塵四微。若異者。微塵非因。若不異。

者泥團滅。微塵亦應滅。而微塵四微實不滅也。蓋泥同微塵雖同以四微爲體。皆無自體。而泥團易壞。微塵不可更壞。可譬轉識藏識。雖同以真識爲非體。皆無自體。而轉識易滅。藏識不復更滅也。結云。非自真相識滅。但業相滅者。意顯前文所謂諸識有三種。相唯轉相業相可滅。而真相不可滅也。夫八識皆有相生住滅。皆名轉相。八識皆有流注。生住滅皆名業相。滅此二種生住滅已。當處即是不生不滅。乃名真相。是則不唯藏識真相不滅。卽轉

識真相亦不滅也。以真故相無別故。所以如來位中得有四智相應心品。四非定。四亦非定。一約真。則相所相無尚不名。一云何名四名八。約俗。則不壞相有八。說八說四說一。皆無礙故。二喻顯竟。三簡非。

若自真相滅者。藏識則滅。大慧藏識滅者。不異外道斷見論議。大慧彼諸外道作如是論。謂攝受境界滅。識流注亦滅。若識流注滅者。無始流注應斷。大慧外道說流注生因。非眼識色明集會而生。更有異因。大

慧彼因者。說言若勝妙。若士夫若自在。若時若微塵。疏曰。外道心昏智闇。妄計攝受境界現行。若滅。則識流注種子亦滅。而不知諸法種子從無始際。展轉傳來。終不斷也。唯其不知自心所具種子爲一切法親因。但藉衆緣得起。故遂別計勝妙士夫等異因也。言眼識色明集會而生者。且據眼識言之。雖有種子親因。仍藉九緣集會乃生。眼卽根緣識。卽第八第七第六。并作意心數前念眼識現行。色卽境界。并空明。卽日月燈光也。眼爲增上不共親。

依第八爲根本依。第七爲染淨。依第六爲分別依。作意能引種起現。又能引心趣境。已上五緣並名爲增上緣。前念眼識現行爲開導依。名爲等無間緣。境界卽親疎相分。名所緣緣。空明二種。亦屬增上緣攝。若耳識則不藉明緣。鼻舌身識則并不藉空緣。故云耳識唯從八。鼻舌身三七也。勝妙亦云。勝性卽是冥諦。士夫卽神我。或勝論大有句。自在卽大自在天。餘可知。初正答生住滅竟。

二申明邪正門。二初破自性。二辨迷悟。二初中

二。初斂所執。一約第一義坡
今初

二約第一義破二初敘義二正破今初復次大慧有七種第一義魏云我有七種第一義所謂心境界

復次大慧。有七種第一義。魏云。我有七種第一義。所謂心境界。

唐云。心，竟也。二皆子竟也。魏作慧。一竟也。二皆作

得次九慧有七種第一掌第一義所謂心境見唐云心慧境界二皆智境界魏作慧見境界二皆作

唐云。心慧境界。二皆作智。智境界。唐無。見境界。二皆作所行。見。一見。

唐云。心慧境界。二皆作智境界。轉作慧見境界。二皆作所行。一作智。唐無。龜毛子。卷之二。

所行慧境界作智智境界唐無見境界二見

所行。慧地以作智。地以廣無。地以北以二見。超二見。境界。魏云。過。超子地。境界。魏云。過。如來自到。

超二見境界 魏云過超子地境界 魏云過
二見 佛子地如來自到

魏云超子地境界魏云過超子地佛子地如來自到

魏云入如來地內行境界○唐云

魏云人如來地內行境界○唐云

境界 魏云入如來地內行境界○唐云如來所行亦來自證聖智所行

如來所行亦來自證聖智所行

如來所行如來的高聖智所行

疏曰七種第一義者了知諸法無性。一皆是第

疏曰。七種第一義者。了知諸法無性。一一皆是第

疏曰七種第一義者丁知詣法無性。一皆是第一義境而此第一義竟從性起修通因微果亦得

一義境而此第一義境從性起修通因徹果亦得

一義境而此第一義境從性起修通因徹果亦得

一義境而此第一義境從性起修通因徹果亦得
為義竟可七重然比七重。一一皆彼七重口生非

約義說有七種然此七種一一皆破七種自性非

約義說有七種，然此七種，一一皆破七種自性非

約義說有七種。然此七種一一皆破七種自性非

經義說有七種然此七種——皆破七種自性非謂一種別破一種也初心境界者謂破外道所計

謂一種別破一種也初心境界者謂彼外道所計

七種自性皆無自性。皆是唯心所現境界。此則直顯理性不論悟與未悟並無心外境界故也。二慧境界者。依聞思修三慧乃知一切皆唯心也。三智境界者。發無漏智乃證一切皆唯心也。智慧二字並通權實。魏以智爲權慧爲實。今以慧爲權智爲實耳。四二見境界者。證唯心已了知種種境界離一切相卽一切法離一切相名爲如實空見。卽一切法名爲如實不空見也。五超二見境界者。了知一切境界離卽離非是卽非卽二而不二也。六超

子地境界者。因位終窮也。七如來自到境界者。果位圓滿也。自何所到。到此心境界之究竟而已。此六並約妙修因果不出性源而言之也。

問二正破答。答。問。去處裏言文。唯是十界百界大慧。此是過去未來現在諸如來應供等正覺性。自性第一義心。以性自性第一義心成就如來世間出世間出世間上上法聖慧眼入自共相建立。如所建立。不與外道論惡見共。問。去處裏言文。自辟共。答疏曰。此明外道妄計七種自性。本皆無性。故三世

諸佛照之皆卽第一義心也。達此第一義心則能
立成就世出世間種種諸法而諸法之自相共相並
皆無性。十一皆由第一義心建立真俗不二不可
思議不同外道於俗妄作有見於真妄作無見也。
大世間法者指六凡法。出世間法者指三乘法。出世
間上上法者指諸佛法以要言之卽是十界百界
千如法也。聖慧眼者了法無性不生有無二執也。
入自共相建立者隨情隨智假說種種自相共相
也。如世間法以蘊處界等名爲自相以苦空等名
也。

爲共相。如出世法以戒定慧等名爲自相以無漏
等名爲共相。如出世上上法以十力無畏功德智
慧等名爲自相以真如純善不思議等名爲共相。
又凡一切現量之所親證皆名自相。一切比量之
所詮顯皆名共相。如所建立皆依第一義心方便
施設不撥爲無不執爲實於第一義建立諸法則
空卽不空不共斷滅惡見了知諸法皆第一義則
有卽非有不共邪常惡見也。

大慧云何外道論惡見共所謂自境界妄想見不覺

識自心所現分齊不通。魏云大慧云何不與外道邪妄想見而不覺知自心想見○唐云云爲外道惡見謂不知境界自分別現。大慧愚癡凡夫性無性自性第一義作二見論
魏云大慧諸愚癡凡夫無有實體以爲第一義說二見論○唐云於自性第一義見有見無而起言說

疏曰此申明外道惡見之可破也。謂一切境界皆是自心境界。皆從妄想所見總不出於自心所現分齊。但由外道不覺識故不能通達也。夫七種自性皆以無性而爲其性。所以皆卽是第一義。而愚癡凡夫或不知性無性故作有見論。或不知無性。

之性乃是第一義故作無見論。有無二見皆由不達自心現量。所以皆可破也。初破自性竟
大慧二辨迷悟二。初總許說。二正別辨。今初復次大慧妄想三有苦滅無知愛業緣滅。自心所現幻境隨見。今當說
唐云我今當說若了竟如幻自心所現則滅妄想三有苦及無知愛業緣滅緣業

疏曰此文唐譯爲順。若依今文釋者。謂若欲妄想三有苦滅。先須無知愛業緣滅。又須先於自心所現幻境隨卽覺見。此迷悟關頭。今當說也。蓋於自

心所現幻境若不隨見則名爲惑。有惑則必起於無知愛業之緣。有愛業緣則必感於三有苦果。而此三有苦果唯是妄想別無實體。如空中華相。唯是譬眼所見。非實有華也。

二正別辨二初明迷者之失。二明悟者之得
 初中二初敎執。二破斥。今初
 大慧若有沙門婆羅門欲令無種有種因果現及事
 時住緣陰界入生住或言生已滅。唐云。有諸沙門婆羅門妄計有及非
有於因果外顯現諸物依時而住。
或計蘊界處依緣生住有已卽滅。

疏曰。迷唯心者必計有無及以斷常。故今先敎其所執也。無種者不知第八識能藏一切諸法種子。妄計無因生果。卽所謂自然外道也。有種者不知一切諸法種子皆唯藏識所具妄計勝性士夫自在時方微塵等異因生果。卽所謂邪因緣外道也。謂設有沙門婆羅門等迷於自心現量。欲令無種因果顯現。或欲令異種因果顯現。及計一切所生之事。依時而住。不知但是唯心所現。或言依於諸緣而陰界入得生得住墮於常見。不知心外無陰

陽明先生全集

三九

界入。或言陰界入等生已必滅。墮於斷見不知藏識所具種子不斷也。沙門此云勤息。出家學道之都名婆羅門。此云淨裔。在家學道之都名二破斥二。初直破。二釋成。今初量大令無聲。大慧。彼若相續若事。唐云。若作用。若生。唐加。若滅。若有。諸有。唐云。若

疏曰。佛教所明。一切諸法。皆以自心所具色心種子。而爲其因。自心所現色心境界。而爲其緣。種能引種。現能引現。故有相續。種能生現。現能熏種。故

有作用因緣和合故有生。因緣別離故有滅。因果不亾。故有諸有。生滅情盡故有涅槃。返迷歸悟。故有道。依理成行故有出世正業。依行證理故有出世正果。世出世間因果並成故有四諦。今外道或計無因。或計異因。則不知有自心種現各引之義。是破壞相續也。亦不知有自心種現互爲因義。是破壞作用也。亦不知有正因緣合是破壞生也。亦不知有正因緣離是破壞滅也。亦不知有因果感應如影隨形是破壞諸有也。亦不知有有爲盡處。

真如理顯。是破壞涅槃也。亦決不能從迷得悟。是
破壞道也。亦決不能依理成行。是破壞出世業也。
亦決不能依行證理。是破壞出世果也。亦決不能
方便安立。出世間因果之法。是破壞諦也。既一
切皆悉破壞。則雖有斷常空有種種二論。究竟皆
成斷滅論矣。

二釋成又二初正釋二喻釋 今初
所以者何。以此現前不可得。及見始非分故。以故。以
魏云。何
鬼法不可得故。不見根本故。○唐云。
有以故。不得現法故。不見根本故。

疏曰。現前諸法。的是唯心所現。而彼妄計無種有
種。則現前法之實義。彼決不可得而知也。唯此如
來藏心。乃是一切法之元始根本。彼方妄計無種
有種。則欲見法之本始。決非其分所能及也。
華_二喻釋。又二初正約喻破。二轉約喻破。 今初
大慧。譬如破餅。不作餅事。亦如焦種。不作芽事。如是
大慧。若陰界入性已滅。今滅當滅。自心妄想見。無因
故。彼無次第生。_{唐云。此亦如是。若蘊界處法。已現當}
_{滅。應知此則無相續生。以無因故。但}
_{是自心虛妄所見。}

疏曰。佛正教中。以前七爲能熏。以第八爲所熏。所以前七現行雖念念滅。而所熏種子不滅。如不破大餅能作餅事。若外道妄計無種有種。則皆不知現大熏種義。彼現行滅譬如餅破。應不招感未來異熟等流諸果。故云不作餅事也。佛正教中。以第八所持種子如穀麥種。以種子所發前七現行如種生芽。若外道不知第八自所持種別計無種有種。此有無種既非第八所持。則如焦種。如何能生現行芽哉。故法句云。如是大慧。若使五陰十八界十二

入等諸法。不熏成種。不從自識種生。則過去已滅。現在今滅。未來當滅。無有展轉互爲因果義。故何能次第相續生起。豈非但是自心妄想所見。安得妄謂無種有種能令因果現耶。

二轉約喻破又二。初正破。二結斥。今初

大慧。若復說無種有種。須亦識等三緣合生者。龜應生毛。沙應出油。汝宗則壞違決定義。有種無種說。有如是過。所作事業悉空無義。

疏曰。此破轉計也。外轉計云。一切諸法。雖本無種。

但由識根境三緣和合。則便得生。或轉計云。一切諸法雖有勝妙士夫。自在時方微塵以爲其種。仍須識根境三緣和合。方乃得生。故今破無種云。若本無種。三緣合生者。則龜本無毛。三緣合時。亦應生毛。沙本無油。三緣合時。亦應出油。既違決定得生之義。汝無種宗。豈不壞乎。次又破有種云。若先有勝妙士夫等爲諸法種。更俟三緣合生者。則勝妙等既有毛種。三緣合時。龜亦應生於毛。勝妙等既有油種。三緣合時。沙亦應出於油。亦違決定得

生之義。汝有種宗。豈不壞乎。故結責云。有種無種說。有如是過。不知自心種現。互爲因果正義。遂使世間所作事業。悉同龜毛。沙油空無實義也。大慧。彼諸外道說有三緣合生者。所作方便因果。自相過去未來。現在有種無種。相從本以來成事。相承覺想。地轉自見。過習氣作如是說。如是大慧。愚癡凡夫。惡見所噬。邪曲迷醉。無智妄稱一切智說。疏曰。此結斥外道。旣說無種有種。仍說有三緣合

生老彼亦自謂有所作事業有方便教法有因果
夫自相妄謂過去未來現在諸法皆由有種無種相
從本以來成事執此爲實謂餘妄語此其師弟相
承過皆是覺想地轉乃自己惡見過習氣作如
是設耳無有正見故名爲邪不能唯心直進故名
爲曲墮黑暗境故名爲迷略不省悟故名爲醉本
無實智妄稱一切智說譬如窮人妄號帝王自取
誅滅誠可哀矣初明迷者之失竟

二明悟者之得二初正明三結勸今初

大慧若復諸餘沙門婆羅門見離自性。

魏云見諸法離自性故○

唐云觀一切

浮雲唐云如空中雲

火輪唐云如旋火輪

健闡婆城唐云

如夢如水中月

如乾闥無生魏云不生

幻燄水月及夢唐云如勾如

像如水中月

始來虛文見故取以向外

妄想因緣滅盡唐云作是觀

離妄想說

所說觀亦觀唐云亦離妄

心所取名義受用建立身之藏識於識

境界攝及攝受者不相應無所有境界離生在滅

唐云知才及物并所住處一切皆是藏識凡境無能所取及生住滅自心起隨入分別惟恒住捨

唐云如定思大慧彼菩薩不久當得生死涅槃平等

大悲巧方便無開發方便。唐云。大悲方便無功用行大慧。彼於一切衆生。皆悉如幻。不勤因緣。幻如影從緣無起。遠離內外境界心外無所見。唐云。知一切境界離心無得。次第隨入無相處。次第隨入從地至地三昧境界。唐云。行無相所有。心得如幻定。絕衆影像。得往般若波羅密捨離彼生所作方便。慧證無生法。金剛喻三摩提。隨入如來身。唐云。入金剛喻三摩提。隨入如來身。三昧。當得佛身。隨入如如化。神通自在慈悲方便具足莊嚴。唐云。恒住如如。起諸變化力。通自布大慧方便以爲嚴飾。等入一切。

佛刹外道入處離心意意識。唐云。遊衆佛國離諸外道及心意識。是菩薩漸次轉身得如來身。

唐云。轉依次第成如來身。

疏曰。觀一切法皆無自性者。正破無種有種二邪執也。以浮雲等喻而爲所觀。以四性推簡而爲能觀了知一切諸法無性無生。當體卽空。舉體卽假大亦卽中道。以唯心故。心非有無故。一切法皆非有無。如是思惟。如是分別。卽是妙觀察智。所以不久當得生死涅槃平等。謂生死涅槃皆唯心故。如冰與水同濕性故。既知生死涅槃平等。則知心佛衆。

生三無差別。故得大悲方便無功用行下化衆生。上成佛道也。文對唐譯可解。

二結勸

大慧是故欲得如來隨入身者當遠離陰界入心因緣所作方便生住滅妄想虛偽。唐云。欲得佛身應當所作生住滅遠離薑處界心因緣法戲論分別唯心直進。唐云。但住心量觀察無始虛偽過妄想習氣因三有。唐云。觀察三有無始時來妄想所起。思惟無所有佛地無生。唐云。思惟佛得地無相無生。到自覺聖趣自心自在到無開發行。唐云。自證聖法得心自在無功用行。如隨衆色摩尼隨入衆生微細。

之心而以化身隨心量度諸地漸次相續建立。唐云。如意寶隨宜現身令如如達帶心漸入諸地。是故大慧自悉檀善應當修學。唐云。是故大慧苦薩摩訶薩於自悉檀應善修學。

疏曰此正示修行之要訣也。夫五陰十八界十二入等本如來藏妙真如性性真常中求於去來迷悟生死了不可得而妄見有因緣所作生住滅者皆是戲論分別虛偽妄想而已故當直觀諸法皆唯心量以此唯心妙觀直趣無上菩提了知三有因於妄想習氣則三有皆唯心也思惟佛地無相

無生則佛地亦唯心也。唯心具十法界。十界無不
唯心。心空故十界俱空。心有故十界俱有。心非空
有。故十界俱非空有。心卽空有。故十界俱卽空有。
此是至圓至頓法門。乃如來自行權實故名爲自
悉檀也。第一諸識生住滅門竟。

楞伽阿跋多羅寶經卷第一義疏上

名相考

世不動 四禪八定。名世間不動業。 **健闡婆城** 卽海
上所見蜃樓望之似有卽之則不可得也。

五明處

一內明爲求自解。
二因明爲伏外執。

三聲明爲令他信。四醫明爲所治方。五巧明爲攝一切衆生。

阿闍梨 此云軌範師。

六節 西土俗法年分三時或分六節。

一闡提 此云斷善根。

不

男 律明五種。謂一生不男。二、捷不男。三、變不男。四、婿不男。五、半不男也。後世又言五種不女。律中不載經文亦無。

甘蔗種 本行經云。王仙被獵師所射滴血於地。生二甘蔗日炙而開。一出童男。一出童女。占相師立男名善。

勝相 卽佛胸前。

因陀羅網 天帝釋所有。

離日月光 謂不假日。

光明 應現。

化佛 隨機。

報生佛 酬宿。

如如佛 體性。

不 本覺寂照。○二譯皆合。

智慧佛 顯是性德理智也。

謂普偏也。檀是梵語。謂法施也。佛說法時。意令衆生入理。名第一義悉檀。令其滅惡。名對治。悉檀令

8

9
90
1
2
3
4
5

100

6

其生善名爲人悉檀。令其歡喜名世界悉檀。若無
四益因緣佛則不說法也。衆生聞法未種善根者
今卽得種。是世界益。已種善根者今得增長成熟者
爲人對治二益。已成熟者今得度脫。是第一義益。
故約衆生獲益爲次第也。毘尼此翻律男女林西域有樹
林。生果似男女形美麗殊絕。遇風墮落。衆鳥啄
殘臭不可聞。欲心熾盛者見之生厭。訶梨果名。此云
天主此云乾闥婆。此阿摩勒亦果名。云難分別。闥婆具云乾闥婆。此翻巡香行。乃天
帝奏樂。持也

亦翻得
絕遇風墮落心熾盛者見亦果名此云難分別

喜名世界悉檀若無生聞法未種善根者今得增長成熟是得度脫是第一義益

夏之鼎助資刻印十二兩願正信堅固永無退轉



二十九

80 1 2 3 4 5 6 7 8 9
90 1 2 3 4 5 6 7 8 9
100 1 2 3 4 5 6 7 8 9